

J. CLERICI NOTÆ IN INDICEM

ix. & seqq. ubi ex Rabbiniis aliisque Scriptoribus eam collegit. Adde & Cap. iv. ex Decade Marco præmissa.
JUDAEAE MONTANA vocabatur fermè universus tractus meridianus Judææ, qui & *desertum montium*. Vide *Joan. Lightfootium* Chor. Matth. præmissæ Cap. xi.
JULIAS Betharamphtha. Vide de ea quæ collegit *Joan. Lightfootius* in Chorogr. Centuria præmissa Matthæo Cap. xciii.

L.

LEHEMAN. Lege *Lehemam*, nam Hebraicè est לחם *lahmam*. Nec dubium esse potest quin esset in antiquis Codicibus Mem in fine, quandoquidem lxx. Intt. legerunt Jos. xv. 40. Λαμδς ut est in Alexandrino Codice. Norunt, qui possunt Hebraicè legere, quanta sit inter Mem & Samech similitudo, quæ nulla est inter Mem & Nun.
LEMNA. *Lebona*. Sola hæc posterior appellatio vera est. Nam Hebraicè est לבונה *lebonah*. Vitio Librarii, malè audientis, scriptum est *Lemma*. Meliores Codices Græci & Latini habent *Lebona*.
LIBANUS. Vide quæ notavimus ad vocem *Hermon*. Si *Samson* antiquioris Geographiæ æquè peritus fuisset, ac recentioris, plura de Libano & Antilibano dixisset. Potuisset saltem *Bonfrerii* Onomasticon, Lutetiæ editum anno mdcxxxi. consulere, quod non factum demiror.
LUD. Non capio quî præter morem noster sustineat tribuere huic Semi filio Asiam Minorem, cum ejus posteris alibi Majorem Asiam tribuat. Verum quamvis plerique in Majore Asia sedes fixerint, nihil vetat quosdam etiam in Minorem ivisse.
LYDDA. Diei unius itinere Jerosolima remota. Vide de ea *Joan. Lightfootium* Cent. Chorogr. Matthæo præmissæ Cap. xvi.

M.

MADAI. Cum *Madai* constanter pro *Media* sumatur in Scriptura, absurdum est hos relegari in Moscoviam. *Gomer* sunt Phryges, *Magog* Cauasi accolæ, ut multò melius *Bochartus* Lib. iiii. Phalegi; à quo, sine gravibus rationibus, discedere non debuit *Samson*, qui in hisce Gentium originibus, *Bocharto* collatus, planè cæcutiebat. Verum Japhethi posteros omnes in Europa bonus vir collocare voluit, quamquam nullâ necessariâ ratione cogente, ut jam indicavimus.
MAGDALA. Castellum fuit Galilææ non procul à Tiberiade & Scythopoli. Hinc dicta Maria Magdalena. Vide *Josephum* in vita ipsius, & *Joan. Lightfootium* Cent. Chorograph. Matthæo præmissæ Cap. lxxvi.
MAGDOLUM. Quia in versione Vulgata vox hæc, præter morem, declinatur, estque tantum in accusativo, posuit bonus vir *Magdolum* in recto, cum debuisset scribere *Magdulus*, nam Græci dicunt Μαγδαλῆ, ut liquet ex *Eusebii* locis, aliisque Scriptoribus. Hebræi efferunt *Migdal*.
MAGOG. Vide dicta ad *Madai*.
MANAIM, Mahanaïm. Posterius nomen est rectè scriptum, prius pravè. Nam Hebraicè constanter scribitur מהנים *mabhanajim*, duplicia castra. Nescio quî *Samson* & *Lubinus* de Geographia Sacra scribere aggressi sint, cum, præ imperitia Linguae Hebraicæ, mendosas lectiones nominum à rectis secernere non possent. Temeritatem fanè non excusat apud Lectores titulus honorificus *Geographorum Regionum*; cum ne bonos quidem scriptores, hisce de rebus, in Gallia editos consuluerint, quod satis mirari non possum.
MARE MORTUUM. Vide quæ de eo ex *Josepho* & Rabbiniis collegit *Joannes Lightfootius*, Cent. Chor. Matthæo præmissæ, Cap. v.
MARE RUBRUM. Hebraicæ voces ים אדום *jam edom*, quæ debebant verti *mare Idumææ*, versæ sunt à Græcis Phoenicum interpretibus θαλασσα ἑρυθρά, *mare rubrum*, ob ambiguitatem vocis ים אדום *edom*, quæ non tantum nomen est proprium viri & regionis, sed *rubrum* etiam sonat. Inde natæ fabulæ de colore rubro maris, & de nescio quo Rege Erythra. Vide patrum mei *Davidis Clerici* Quæst. x.
MEJERCON. Aliàs, inquit, *Majercon*. Malè, nam Hebraicum est מֵי הַיַּרְקֵן *me-hajjar-kon*, Jos. xix. 46.
MEMPHIS. Dicendum erat eam Hebraico nomine vocari מֵי נֹפֶח *noph*, Esa. xix. 13. & alibi.
MEROME. Jud. v. 18. non est nomen proprium loci, sed significat colles, vel edita loca. Itaque מְרוֹמֵי שָׂדֵה *mrôme schadeh* verterunt lxx. Intt. ὑψῆς ἀγρῶν, *altitudines agri*. Nec possunt, nisi neglectis constructionis certissimis regulis, verti *regio Merome*, ut norunt quicumque sciunt Hebraicè. Itaque *Hieronymus* hoc in loco, ut in multis aliis, ostendit suo tempore notas non fuisse leges Grammaticas; quod pluribus ostendimus in *Questionibus Hieronymianis*.
MISRAIM. Dignum erat notatu nomen hoc esse regionis, non hominis; idque dualis numeri, quia duplex Ægyptus fuit, inferior & superior, à singulari מֵצֵר *metser*, unde מֵצֵרִים *mitserajim*, & alia id genus, quæ habet *Bochartus* Phalegi Lib. i v. c. 24. Sed & alia nomina, quæ hic memorantur, sunt etiam populorum, Ludim, Ananim, &c. Hebraicæ Linguae